

FASCICULUS  
Utilissimarum quæstionum


Ex

*Nobilissimâ Contractuum materiâ juxta ordinem  
in Instit. Imper. traditum, excerptarum*

Q U A S

DIVINA ADSI-  
STENTE GRATIA

*Ex Consensu & permisso Magnifici, Nobilissimi &  
Amplissimi Ictorum Ordinis, in celeberrima Academia  
ad Salam,*



SUB PRÆSIDIO  
VIRI

*Magnifici, Nobilissimi Amplissimi & Consultissimi*

Dn. DOMINICI ARUMÆLICTI

famigeratissimi, Hæreditarij in Löbedaw & Beschwich/Con-  
siliarij Saxonici gravissimi, Decretalium in inclyta Hac Salanâ  
Professoris Publici, Facultatis Juridicæ & Scabinatus Ordinarij meritissi-  
mi, p. t. Decani spectatissimi, Dicasterij item Provincialis Adiutoris prima-  
rij &c. Dn. Promotoris, Præceptoris & Hospitis sui æternum suspiciendi,  
publicæ placidæq; disquisitioni in Ictorum auditorio

*Ad diem Decembris*

Ventilandas & discutiendas submittit

JOHANNES CHRISTOPHORUS Mengwein/


*Obrdruffio Thuringus.*

«» «» «» «» «» «» «» «» «» «» «» «» «» «» «»

J E N Æ

E Calcographéo PHILIPPI LIPPOLDI.

ANNO M. DC. XXXV.



Alma Trias ! nunquam sine Te cum prospera capta :  
Aures, Cor, lingvam dirige quæso, meam.

**M**ulti sunt, qui exercitia disputatoria è scho-  
lis exterminant, eademq; propter varia dubia, quæ  
hic moveri & decidi solent, & propter multas ali-  
as parvi momenti causas inutilia, imò juvenili ætati vene-  
nosa proclamant; Sed quàm falsò, non opus est multis; Ex-  
perientia ipsa Contrarium demonstrat. Veritas enim sæpe  
numero tectâ jacet, & non nisi nebulis istis, sub quibus læ-  
ter involuta, discussis, apparet. Probè Ergò Consideranda  
& ad tydium lapidem, Logicam doctrinam disputandi, so-  
phisticationes detegendi, & veritatem producendi, traden-  
tem, probanda sunt omnia, ne falsa pro veris, venenum pro  
melle, & damnosa pro salutiferis sub simulatâ forma ve-  
ri credamus sive accipiamus. Taceo quòd disputationes a-  
cuant ingenium, memoriam adjuvent, & plausibilem lingvæ  
adferant promittudinem. His ponderatis mihi materiam  
aliquam, de qua disquirendo meam tenuitatem exercere,  
doctisq; instructionib; publice locupletare possim, seligenti, ad  
lecti consilium, in quò vult, ut quotidiana tractentur, l. li-  
gav. 25. ff. de liber. leg. placuit quæstiones quasdam non  
inutiles ex quotidiana, & nunquam satis laudata contra-  
ctuum materiâ, excerptas conscribere, & publicè examinan-  
das proponere. Si quæ Ergò vel pro dignitate non sufficien-  
ter tractata, vel pro gravitate acutioris ingenij radios re-  
quirentia à mea ruditate, cujus mihi benè cōsciis, discutienda  
suscepta sint; sciat, velim, Benevolus lector, esse Exercitiū.  
Et nullus dubito, quin facilis erit imperatoris condonatio, quæ  
decenter peto,

Sit Itaq;  
**IN NOMINE DOMINI.**  
QUÆSTIO PRIMA.

**A** Pecuniam mutuo datam, in aliena moneta, quam qualem accepit, soluere debitor possit?  
Si quid à Contrahentibus pactione definitum ac determinatum est: tunc illud inviolabiliter custodiri debet, per l. contractus. 23. ff. de R. J. Si vero nihil de pecunia, eadem in materia vel forma restituenda ab initio contractus convenerit; tunc alia quoque in materia aliaque in forma & moneta reddi posse creditum probatur ex l. 99. de solut. ubi à contratio sensu rectè argumentamur: Si damnum ex eo non est passurus creditor cogitur accipere. Quam sequitur. l. quæ extrinsecus. 63. §. 1. ff. de V. O. ubi habetur, quod stipulationi nihil obstat, si stipulanti denarios (qui erant argentei) promittantur aurei eiusdem quantitatis: Cum tamen dissensus in re vitiet stipulationem, l. 23. §. 1. de V. O. Cui consignat illud proponij in l. 1. §. 1. ff. de aur. & arg. leg. quod videlicet debitor certi ponderis argenti, liberetur ipso iure, dando pecuniam numeratam, si in pecunia soluta eadem fuerit æstimatio. Æstimatio enim, licet à Rebus differat, ipsam rem tamen repræsentare dicitur, & non minus intelligitur habereis, qui habet æstimationem, quam si eam ipsam haberet, l. 33. & 34. ff. de pecut. Hinc est, quod is qui monetam tanti precij, quanti sua fuit, recipit, non aliud pro alio recipiat, licet materia vel lamina, das Korn vnd Schrot sit ut diversa. In nummis enim non tam ad ipsam massam materiæ seu Corpus, quam ad præcij seu valorem Jure publico statutum respectus habitus fuit, l. si ueni 94 §. 1. ff. de solut. l. orig. amendi. 1. de Contr. empt. l. cum aurum 29 §. 1. l. Titia 35 ff. de aur. & arg. leg. cum nummi inter res in corporales referantur, l. 95 de leg.

leg. 3. l. 5 ff. de in pens in res dotal. fa. ff. l. 34. §. 3 ff. de leg. 1. Hæc omnia tamen cum ANDREA GERHARD, in exerc. Justin. dec. 12. §. 6. tom. demum procedere putamus. si certa summa, puta in Joachimiciis *tantum summa* mutuo accepta sit: Si vero certi generis nummi, puta 100. Joachimici, ut Joachimici dati fuerint, tunc in eodem genere monetæ eos reddendos.

## II.

*Æstimatio temporis Contractus servanda est, si valor monetæ mutatus sit.*

Quia in hoc quod præsens fuit, magis consensisse contrahentes verisimilius est, quam in id quod sub incerto esse potuit, arg. l. 7. ff. de aur. & arg. leg. In nummis etiam magis respiciendum ad qualitatem seu valorem, ut in præced. thisi dictum, quam ad corpus ipsum. Nec ideo Creditori plus soluitur, quam dedit, si precium pecuniæ auctum fuerit: Nec minus, si deminutum: quia debitor nummos exponit secundum valorem temporis contractus; non temporis solutionis; quam nemo ideo sumat pecuniam suam, ut domi habeat ociosam; sed ut illa etiam urgente necessitate utatur, utendo: quod expendat eam, ut scilicet in par de Reb. Cr. d. n. 12. pag. (mibi 363. quo id ita demum verum est, si debitor in mora non fuerit: alioquin videtur debitorem condemnari oportere, quantum plurimum tempore moræ creuerit æstimatio. l. vinum. 22. ff. de Reb. Cred. l. 21. §. cum per venditorem. 3. ff. de est. empt. Magr. f. & Nobiliss. Dn. Pras. Præceptor, Fautor & hospes meus per totam vitam submisit colendus & suspiciendus. Exerc. 24. Et secundum hanc sententiam Camera judicavit, Myrsing. Cens. 4. observ. 1. Gail lib. 2. observ. 73. n. 3.

## III.

*An interessarium medij temporis condici possit, si ante diem solutum fuerit, quod in diem debebatur? Affirm.*

Quia alias Creditor, cui ante diem solutum, cum de trimento & manifestâ debitoris injuria locupletaretur. Quod autem nemo cum alterius damno locupletari debeat expressa juris regula extat, in l. 14. ff. de Cond. et deb. l. 206. ff. de R. J. maxime enim debitor plus solvit, eam ante diem & citius solue-

ut: quemadmodum is dicitur plus petere, qui ante diem  
petit, & minus soluit qui tardius soluit. Si Ergo Plus illud so-  
lutum repeti prohiberetur, quidni Creditor contra regulam  
modò allegatam cū debitoris damno ditior efficeretur? Adde  
quòd dies, sit pars obligationis *l. 1. §. editiones ff. de edendo*. Et ob  
hoc utique absurdum, si dies etiam in obligationib. con-  
sideretur, ejusq; respectu plus minusve solui dicatur.

#### IV.

*An Actioni Commodati opponi possit Compensatio?*

Negantibus subscribimus, moti *l. ult. C. commod. ubi ex-*  
*presse legitur prætèxu debiti, restitutionem commodati non*  
*probabiliter recusari*; Ratio desumi potest ex *l. 4. C. de compens.*  
*l. 6. C. de rei vind. l. si convenerit. 18. in pr. ff. de pignor. act.* quòd cõ-  
pensatio tantum locum habeat, in quantitatib. quæ inter se  
mutuam functionem recipiunt, non verò in specieb. i. e. indi-  
viduis (Species enim hîc aliter, quam apud Philosophos sumit-  
tur. Philosophis species est id, quod de plurib. individuo dif-  
ferentib. prædicatur, hîc verò nomine speciei denotatur ipsum  
individuum, Wesenb. in par. ff. de Reb. Cr. n. 11. Gothofr. ad d. l.  
2. cod.) Commodatum autem consistit saltem in specie. Neq;  
enim potest id commodari, quod usu consumitur, *l. 3. §. fin. ff. de*  
*Reb. Cred.* Et si nummi commodato dantur tuncis eodem mo-  
do uti debemus, quo alijs reb. functionem non recipientibus  
puta tantum ad pompam, ostentationem & *Dicis gratia* pro-  
pter imaginariam solutionem & numerationem. Nummi  
enim isti statim plerumq; redduntur; cum tantum accepti  
sint, ut quis ijs fucum faciat, & ostendat gloriose se hominem  
esse locupletem, idoneumq;: Id enim est, quod dicitur *Dicis*  
*gratia*, in d. l. 3. §. fin. & l. 4. Wesenb. in par. n. 4 ff. Commod. Spe-  
ciei porrò in certa æstimatio est: proinde neq; compensatio  
ejus admitti potest. Adde quòd aliud pro alio invito Credito-  
ri solui nequeat, *l. 2. §. 1. Si certi pet.* Quod maximè fieret si cõ-  
pensare speciem cū specie liceret. Siquidem compensa-  
tio nihil aliud est quam solutio, *l. vel permutavit. 19. de lib. caus.*  
*l. si debitor. 4. ff. qui potior. in pig. l. amplius, non peti. 16. ff. Rem ratam*  
*hab.* Wesenb. in par. de compens. n. 6. Contrarias opiniones refuta-  
tas;

tas; in primis quid de Cujac. reformatione legi ult. C. Commod.  
sentendum, videre licet apud Magn. & nobiliss. Dn. Præs.  
Exerc. 12. §. 12. & diff. ad pand. ff. 12. §. 2.

V.

*An Rei deposita possessio in sequestrum transeat?*

Negativæ opinioni satis firmum præstat patrocinium.  
Interesse 39. ff. de acquir. vel amitt. poss. ex quâ colligitur regu-  
lariter possessionem per sequestrum non transferri, nisi con-  
tractum expressè actum, & sequestratio ea mente facta fuerit,  
ut ipsa possessio rei litigiosæ dimitatur, & in sequestrum trans-  
feratur; alias si non omittendæ possessionis, sed custodiæ cau-  
sâ deponatur, cum sc. partes certant judicijs possessorijs, verig  
est non sequestrum, sed deponentes per sequestrum possidere.  
Hac distinctio tunc stante corruent dissentientium argumenta,  
quorum præcipuum ex l. 17. ff. de pos. evuere conantur. Hæc  
enim Florentini mens est, sequestrum tunc demum possidere,  
si possessio fuit dimissa, & apud ipsum deposita, quod illa ver-  
ba indicant, *Nisi apud sequestrum deposita sit, possessio sc.*  
Sententia nostra ulterius stabilitur ex eo, quod 1. in deposito,  
cujus species est sequestratio arg. l. 5. §. 1. l. 6. l. 17. ff. de pos. l. 5. C.  
eod. l. interesse puto. ff. de acquir. vel amitt. poss. non transferatur  
possessio: quia non possidendi sed custodiendi causâ rem te-  
neat depositarius l. in pr. ff. de pos. in quantum autem differant  
custodia & possessio videre est in l. 3. §. fin. ff. de acquir. vel a-  
mitt. l. 5. in pr. ff. ut in poss. leg. quod deinde de positum non  
sit titulus habilis ad possessionem transferendam l. 1. in pr. ff.  
de pos. hoc autem deficiente custodiæ causâ res tradita censet-  
ur, l. cum pater. 77. §. patr. plurib. 21. ff. de leg. 2.

VI.

*An vxor ratione dotis præferatur omnibus mariti cre-  
ditorib. expressam quoq. hypothecam habentibus?*

Multa & insignia privilegia Imperator Justinianus pro  
mulierib. ad ipsarum fragilitatem, l. a fiduciâ. 12. C. qui potior. in  
pig. habent. pericula in partu subeunda. §. sed nos 4. Inst. ad SC.  
Tertyll. Nou. 162. c. 3. Nou Leonii. 17 l. 2. §. 4. ff. si quis caut. & alia  
in commoda, quibus præceteris gravantur, respiciendo in-



venit, inventa legibus sancivit, & in jure dicundo observari  
constituit. Quorum unum etiam est in dote, quæ quòd pu-  
blicè interest dotes mulieribus conservari, dotatasq; fœmi-  
nas esse ad sobolem procreandam replendamq; liberis civi-  
tatem l. i. ff. solut. matr. usq; ad eòd fauorabilis est, ut ejus gratia,  
uxor non modò ex constit. Imperatoris Justinia. tacitam hy-  
pothecam in bonis mariti habeat, §. fuerat. 29. Inst. de actiõn.  
sed omnibus creditoribus etiam anterioris temporis privile-  
gio vallatis in persequendo pignore anteferatur arg. l. asiduis.  
12. C. qui potior in pign. Hæc proximè allegata asiduis l. ansam Dd.  
præbet, quærendi, *Utrum mulier mariti creditorib. omnibus  
tàm expressam, quàm tacitam hypothecam habentibus sit  
preferenda?* Non desunt qui dicant d. l. asiduis 12. loqui de  
iis creditorib. anteriorib. qui tacitam tantum hypothecam in  
bonis mariti habeant, atq; hoc in calumulieris prærogativâ  
concedere, nò verò de expressam habentib. Attamen nos Cre-  
ditorib. expressam etiam hypothecam habentib. uxorem esse  
preferendam contendimus: quia l. asiduis, non distingvit, sed  
universaliter de omnib. creditorib. concludit. Nota autem  
vulgaris reg. qui omnia dicit, nihil excipit. Et velim dissen-  
tientes si regerant hac particulâ Vniversali omnes creditores  
tacitam tantum hypothecam habentib. venire, instructi pro-  
batione sufficienti prodeant. Taceo quòd legislator in dubio  
præsumatur propriè, clarè & perspicuè locutus arg. l. non ali-  
ter 69 ff. de leg. 3. Non minus roboris addit sententiæ nostræ  
stabilitæ d. §. fuerat. 29. Inst. de actiõn. ubi expressè quoque  
& genericè Imperator dicit, se mulierem alijs Creditoribus  
preferendam duxisse. Huc facit pro tertio argumento adstru-  
endo, quòd mulier præferatur ei cujus pecunia res emptæ est.  
Nov. 97 c. his consequens. 3. licet hic omnib. anteriorib. etiam  
expressâ hypothecâ provisum sit potior l. 5. ff. qui potior. in pign.  
hab. quântò magis ergo alios vincet uxor, si vincentes ipsos  
vincit, arg. l. 14. §. 3. v. qui me potior est ff. de divers. tempor. prescript.  
Quid quòd unus idemq; finis sit tacitæ & expressæ hypothe-  
cæ, commodum scilicet Reip. l. i. ff. solut. matr. l. 2. de Jur. dot.  
Et ita statuunt Magn. & Nobiliss. Dn. Praeses, disp. ad pand. 14. b. p.  
Hunn. lib. 3. tit. 3. part. 5. q. 4. Morz.



## VII.

*Si stipulanti decem promittantur viginti, an valeat stipulatio? ardua quaestio est.*

Pro affirmativâ satis perspicuus est textus in *l. 1. §. 4. ff. de V. O.* ubi ratio etiam adjicitur, cur ejusmodi stipulationes sint efficaces? quia nimirum viginti insunt decem. Nec est, quod dicatur, heic non esse congruam responsionem, quæ tamen, ut necessarium & substantiale requisitum debeat sequi stipulationem, arg. *l. 1. §. 3. de V. O.* Negamus enim heic non esse congruam responsionem ad stipulationem datam, cum quis maximè stipulanti 10. sub nomine viginti, 10. & semper promittat id, quod in stipulationem deductum est: quamvis reliqua 10. sint inutilia: notum enim, utile per inutile, non vitiari *d. l. 1. §. 5. de V. O. & de R. 7. in 6.* Reperant Ferret. Cujac. Borcbol. & alij quid velint; requiri approbationem, ut videlicet cum demum valeat ejusmodi stipulatio in 10. si stipulatori illi cò placuerit ista responsio: Errant namq; in ratione, ob quam hujusmodi stipulationes à lito efficaces pronunciantur. En! lito ait, propterea, quod viginti insunt decem (quantitas enim est divisiva, nec statim vitiata materia, tota res interit: In conditione verò & modo si responsio. ab interrogatione differat stipulatio omninò vitiata est *d. l. 1. §. 3.* Modus enim & conditio divisionem non recipiunt, quippè cum formam spectent, quæ mutilari & dividi non potest *l. heredes. 21. de testam. l. stipulationes l. continuus. ff. de V. O.* Vade etiam in stipulatione, quæ quoad modum & conditionem non est congrua, nec pars reperiri potest utilis *l. obligationem. 44. de O. & A.*) dissidentes, quod stipulanti illico placuerit responsio. Falsum posterius: quia, si hanc ob causam putativam valeret stipulatio, non posset dari ratio cur tantum in 10. & non in totum, in 10. sit efficax, cum tamen aliàs, quoties adjicitur aliquid vel detrahatur stipulationi sit vitiata obligatio: nisi in continenti stipulatori diversitas responsionis placuerit, arg. *d. l. 1. §. 36. ff. de V. O.*

## IIX.

*Utrum cum fundum stipuler, veniant fructus, quæ stipulationis tempore sunt? in disquisitione vocare opera pretium erit.*

Parti negantinos ad stipulamur, innixi expressis l. 78. §. 1. de V. O. ratio depromitur ex l. 99 ff. coll. ubi dicitur illud, quod palam verbis expressum non est, in stipulatione pro omisso haberi: Hic autem fructuum in stipulatione nudi fundi nulla fit mentio; Ergo. Parum obest, quod fructus pars fundi dicatur in l. fructus pendentes. 44. ff. de Rei Vind. pariq; sub toto comprehendatur, l. si quis cum tot. ff. de except. Rei l. yd. quia hæc ratio tum demum procedit, cum quis fundum suum iudicio petitorio petat: Atq; hoc casu æquitati consensaneum esse fructus domino fundum suum vindicanti cedere ut partem soli, ambabus manib. largimur: fructus autem partem fundi per stipulationem primitus acquisit, de quâ nobis hic sermo est, vel tunc esse, cum ipsi cohercant, negamus: quia ex demum, verè proprièq; dicuntur partes, resse Philosopho 1. pol. quæ toti suo ita adhærent, munusq; suum obeunt ad totius conservationem, ut absente illa parte res totalis esse nequeat: qualis est rota in vehiculo. Multò secius in fundo, ad cuius ut totius conservationem fructus nihil agunt, cum fundus sine fructib. subsistat. Pars deniq; ejusdem naturæ debet esse cum toto: fundum autem rem immobilem & soli, contra fructus mobiles, esse quis est, qui nesciat? His non contenti in contrarium inclinantes de alijs argumentis contra nostram sententiam debilitandam fabricandis, valde sunt solliciti: quemadmodum, videre est apud Donell. Magnif. & nobiliss. Dn. Præsid. diff. ad Pand. 22. §. 16.

# IX.

*Quæritur porro, An stipulatio impersonaliter concepta ut Dabis? Dabitur, valeat?*

Hujusmodi verborum conceptio in stipulatione, quamvis obscura, & primo intuitu non videri possit, pro quo promissum. Interim tamen cum alteri nemo stipulari, aut de alterius facto quicquam promittere possit, §. alteri. 19. Inst. de inutil. stipul. l. stipulatio. 38. §. alteri. 17 ff. de V. O. Obscuritas etiam, si qua est, ex præcedenti interrogatione facile lucem accipiat, §. præterea. 5. Inst. de inutil. stipul. l. Titia. 134. §. idem respondit. 2. b. 6. Sicuti rescripta ambigua ex præcibus im-

impetrantium antecedentibus declarantur l. 1. C. de divisi-  
*rescript.* Responsiones obscuræ in iure & iudicio subloca-  
 ræ ex præcedente interrogatione l. si sine, §. §. qui interroga-  
 tur. §. ff. de interrog. actiō, stipulationem huiusmodi vale-  
 re, & respondentem teneri dicendum. Contra eum enim  
 ambigua verba interpretenda sunt, qui legem apertius con-  
 scribere potuit, nec fecit, l. veteribus 39. ff. de pactis: qualis  
 hoc casu est respondens. His insuper hodiè non tam cer-  
 ta & solennia verba in stipulatione, quam mentem & senti-  
 entiam stipulantium inspicimus §. in hac re olim. i. inst. h. t. &  
 præterea inst. de inutil. stipul. Hinc rectè etiam stipulatio  
 initur his verbis. Dabis? quidni? l. 1. §. si quis ita. ff. b. t. Est  
 enim particula illa, quidni? dictio concedentis, ac si dicas, nõ  
 recuso, teste Alcijs. in d. l. §. si quis ita. n. 4. §. 7.

X.

*An fidejussor pro dote conservandâ accipi possit, si a  
 marito sponte fuerit oblatus?*

A marito invito mulierem pro dote conservandâ fide-  
 jussorem exigere non posse liquet ex l. fin. C. ne fidejuss. vel man-  
 dat. ratio est, ne causa perfidiæ in connubio eorum gene-  
 retur. At hæc ratio cum cesset in eo casu, ubi volens &  
 sponte maritus fidejussorem constituit (neq. enim, ut Assignif.  
 & nobiliss. Dn. Fres. exerc. 13. §. 12. loquitur, uxoris hic ulla  
 diffidentia est, sed potius mariti laudanda promittitudo, qui  
 fidejussores constituit, non quia perfidiam ejus uxor timet,  
 sed ut dos, quam conservari Reipubl. refert, l. 2. ff. de iur.  
 dot. l. 1. solus. matr. ei magis in tuto sit, multis enim, modis  
 contingere potest, ut maritus post acceptam, dotem solven-  
 do esse desinat, satq; per hoc mulier suâ dote carere ne-  
 cessè habeat, quam aliàs consequi poterit, si fidejussor datus  
 fuerit, qui in subsidium deficientis mariti conveniri poterit)  
 obtinebimus propositam quæstionem esse affirmandam. Cui  
 satius fulciendæ subterminus etiam 1. quod quisvis fidejusso-  
 rem dare & accipere possit, qui non reperitur expressè pro-  
 hibitus: At in iure nostro nullibi reperitur maritus prohibi-  
 tus fidejussorem dotis conservandæ causa dare, nec Vxor,

B 2

fide-

fideiussorem à marito accipere. Quemadmodum deinde Tutor testamentarius non est cogendus satisfacere rem pupilli saluam fore; si verò paratus est satisfacere, audiendus est, *per l. 17. ff. de testam. tutul.* quia suo privilegio renunciasse videtur, *arg. l. pen. C. de pact.* Sic quoq; maritus non cogitur quidem fideiussorem dare *l. 1. l. 2. C. ne fideiuss. & mand.* si tamen sua sponte eū dederit, omnino tenebitur fideiussor: lex enim non faveat ei, qui se ipsum in necessitatem coniecit, *l. 34. ff. de iur. Fisci.* Idem statuitur in *l. sed et si quis. 4. §. fin. ff. si quis caut.* Verum potè hinc quod fieri non debet, si tamen factum fuerit, valet & tenet *arg. l. 1. §. biduum. ff. quando appell. sit. l. non solum. 52. ff. de iur. Dot. l. quod autem. 53. ff. pro socio.* Scimus deniq; pignoris & fideiussionis unum eundemq; finem esse, videlicet ut Creditorib. nobis diligentius cautum sit in *pr. Inst. de fideiuss. l. 1. ff. qui satisd. cog.* Atqui pignus uxori à marito pro dote dari potest, *per l. quod autem. 7. §. si uxor. 6. ff. de donat. inter vir & uxor.* Quidn igitur & fideiussor?

## .XL.

### *An in causa criminali fideiussor dari possit?*

Ad hujus quæstionis solutionem, quæ insigniter difficilis & utilis, adèd ut in ea expediendâ, referète Hùnio, omnis ætatis doctissimi I Cti. vehementer laborârunt, multū proderit, annotasse prius, duplicis generis esse delicta, aliaq; pœnam mereri pecuniariam, alia verò Capitaletn seu corporis coercitionem. *Circa pecuniariam* dicimus secundum Concordem serè & unanimem I Ctrû opinionem, reum ob hujusmodi delictum in carcere detentum datis fideiussoribus custodia & carcere esse relaxandum: quia sicuti ab ipso reo, ita & ejus fideiussore huic pœnæ satisfieri, & judicatum solui potest: Siquidem non agitur de pœna corporis afflictiva, & per eum non impeditur, sed multo magis promovetur pœnæ executio. Magna autem ratio svadet, pœnas ob maleficia persolveri, *l. 70. §. fin. b. t. l. 27. §. 4. ff. de pact. l. 51. §. 2. ad L. Aquil. l. 14. C. de pen.* Nihilq; interest hoc in casu à quo solvitur, modò solvatur, *arg. l. 23. l. 53. ff. de solut.* Addimus & hoc, quodd regulariter in delictis fideiussor sit recipiendus, prout elucescit ex *l. 1. §. 5. l. 56. §. fin. b. t.* Sunt quidem, qui.

qui hic ita distingvere solent: Aut aliquis in ipso flagranti fa-  
 cto vel fuga deprehenditur, wird in handhaffter oder auff  
 frischer That / oder in der flucht der That begriffen vnd gefan-  
 gen: Aut Criminalis accusatio pernoctata est, ut loquuntur, ist  
 übernachtet / hoc est intra spacium 24. horarum non facta est,  
 ist nicht flagrat gemacht worden. Posteriori casu sententiam  
 nostram veram, priori verò falsam pronuntiant. Sed ut no-  
 stra opinio indistinctè procedat, ex jam allatis legibus & rati-  
 onib. satis liquet. Circa capitalem subdistinguiamus: Aut quæri-  
 tur, de fidejussore dando de iudicio sistendo, ut videlicet reus in  
 carcerem eat, & ex eo causam dicat: Aut de fidejussore dan-  
 do pro ipsa pœna principali, quæ in condemnationem venit,  
 & ita de iudicio soluendo. Priori modo arbitrio iudicis (in qui-  
 bus autem officium vel arbitrium iudicis versetur, ostendit  
 eleganter *Bachovius ad Treutl. vol. 2. disp. 28. rb. 3. lit. A.*) Conside-  
 ratis circumstantijs & delicti personæq; qualitate, reum rela-  
 xari posse credimus datis fidejussorib; idq; suadet *l. 1. l. 2. l. 3. ff. de custod. & exhib. reor. l. 6. §. 3. l. 12. C. de appellat. l. 16. C. de dignitat. c. 15. de sentent. excommun. in 6.* Nam si servus pro quo extraneus  
 fidejubes, & de sistendo satisfactus promittit, non debet prius  
 in vincula conijci, quàm si nõ defendatur, per *l. 2. de exhib. reor.*  
 quantò magis hoc de libero homine dicendum, cùm aliàs Ju-  
 ra in omni supplicio severius servos, quàm liberos punierunt,  
*l. 28. §. ult. ff. de pan.* Et in tantum hoc verum est, ut si iudex  
 hoc in casu, si nimirum rei qualitas admittat, nolit recipere  
 locupletes vel approbatos fidejussores, sed reum in carcere  
 detinere, in eum tam ipse fidejussor, quàm reus injuriarum ac-  
 tionem habeat, *textus perspicuus in l. 5. §. 1. ff. qui satisf. cog.* Et  
 hic fidejussor, non se ad pœnam corporalem obligat, sed solũ  
 ad factum sistendi quod reus in iudicio sit compariturus *An-  
 dr. Gerhard. exerc. dec. ad. 14. quæst. 4. cum allegatis.* Si igitur Ma-  
 gistratus admittat fidejussores, & tum fortasse reus aufugiat,  
 fidejussores non quidem corporaliter plectuntur, sed pecuniã  
 mulctantur, *l. 4. ff. de custod. & exhib. reor.* Nam plerumq; (*ut  
 notat Treutl. vol. 2. disp. 28. b. 3. lit. A.*) cetera pecuniæ summa à  
 Magistratu ijs definitur, welche Sie zu erlegen sich verpflichten

müssen/da Siedem beklagen nicht stehen: Jure Saxonico mus  
Er sein Wehrgeld erlegen/ dann wird Er erldigt/ Landrecht,  
*lib. 1. art. 65. text. & ibid. gloss. art. 9. lib. 3. Wesenb. in part. ff. de  
fidejuss. r. n. 4. in fin.* Et hæc pecunia non solvitur pœnæ loco,  
quoniam non promittitur loco pœnæ, quam reus principalis  
debet, sed instar cujusdam pœnæ, quam ipsi debent fidejusso-  
res principaliter, nomine scilicet culpæ & præsumptæ negli-  
gentiæ, si reum sistere nequeant, quod sibi acceptumferant,  
qui talem fidejussionem susceperunt. Licet Ergo contra fi-  
dejussores ad pœnam agatur, persecutio tamen criminalis  
contra reum in causa principali reservatur, daß man solches  
anders nicht / als der Verurtheilte unbeschädet annehme / & sic  
salvâ manet persecutio rei fugitivi, puta procedendi ad ban-  
num, *Treutl. vol. 1. disp. 5. ch. 6. lit. E. & ibid. Bachov. Wesenb. in  
par. ff. de custod. & exhib. reor. n. 6. & adh. s. n. 4. in fin. Valen.  
Guil. Förster. disp. 17. Inst. ch. 13.* Quod si autem dolo malo quid  
ut reus aufugeret, neq; sisteretur, commisissent fidejussores,  
pœna arbitraria iis interrogabatur, *textus expressus in l. 4. ff. de cu-  
stod. & exhib. reor.* Posteriori modo, ubi nimis agitur de  
pœnâ corporis afflictivâ, vel ubi de anima periculum est, uti  
Imperat. Just. loquitur in *Nov. 8. in præf. §. 1.* Sane hoc in casu  
satisdare de judicato soluendo nō potest fidejussor, quoniam  
pœnam rei luere & sustinere nequit, cum nemo sit dominus  
membrorum suorum, sed quisq; Reip. nascatur, *l. 13. ff. ad L. A-  
quil. junctâ l. 1. §. 15. de ventr. in possess. mitt.* Ad quam gerit in sub-  
sidium teneretur, si reus aufugeret, id quod omnino verendū;  
Si enim reus animadverteret, se sententiâ corporaliter damna-  
turi iri fugâ profectō sibi salutem quæreret, hac ratione sen-  
tentia executionem evitaturus; atq; sic judicium redderetur  
elusorium, cum jura non patiantur pœnam vagari extra au-  
torem delicti, *l. 22. C. de pen. neq; alieni criminis successor  
ullus constituitur; sed unusquisq; ex suo admissio sorti sub-  
jicitur, ait l. 26. ff. de pœn. factumq; alterius non debet aliq; no-  
cere, quam ei, qui fecit l. 5. §. 5. in fin. ff. de op. non. nunciat. l. 11. de  
del. mal. except. l. 4 ff. de tab. exhib. & culpa alterius non de-  
bet alterum subicere dispendio, l. 7. C. de cens. & cens. quare*  
caven-



savendum est, ne respectu nocentis puniatur innocens, l. 7. de  
bon damnat. l. 33. §. 1. in fin. C. de inoff. testam.

XII.

*An si fidejussor in majorem summam se obliget,  
quàm principali obligatione continetur, valeat fidejussoria  
obligatio quoad concurrentem quantitatem?*

Quod fidejussor non possit in plus obligari, quàm ipse  
principalis debitor, satis exinde constat, quod in accessione,  
quod hinc est fidejussoria obligatio (unde fidejussores à litis  
accessiones vocantur, l. si servum stipulatus fuero. 91. §. nunc vide-  
amus. De V. O. l. si qui accessiones 34 de fidejuss.) nequeat esse plus,  
quàm in re principali. §. 5. Inst. de fidejuss. Sed si plus, quàm in  
principalis obligatione fuerit, soluere promiserit, tum in con-  
currentem tantum tenetur, arg. l. rogatus. 33. ff. mandati: Ex  
qua lege, sic concludimus, si principalis quoad minorem &  
concurrentem summam fidejussor teneretur mandati actione,  
sequitur quod hæcenus substituerit fidejussio. Fortificat de-  
inde sententiam nostram illud, quod obligatione vera substi-  
tente, id tantum inutile dicitur, & pro non scripto vel adjecto  
habetur, quod superfluum est, l. h. ætenu. 22. in fin. cum l. seq. ff.  
de const. t. per. l. 3. §. ult. junct. à l. seq. ff. mand. Quod namq; hæc  
in constituto, stipulatione & mandato receptum est, utiq; etiã  
in fidejussione, utpote quæ per stipulationem contrahitur, lo-  
cum habere necesse est. Quæ igitur sup. in b. 7. pro assertionem  
questionis ibi motæ adducta sunt, fidejussioni in quantum  
circumstantiæ patiuntur, accommodari optimè poterunt Op-  
ponitur ut valde nobis contrarians l. Gracè 83 §. illud commune.  
2. ff. de fidejuss. quod ibi dicatur illud commune esse univèrsis,  
qui pro alijs obligentur, quod, si in duriorẽ causam adhibiti,  
omniñò non obligentur. Resp. verba illa *omniñò non*, dubia  
esse, & ex com. uni Dd. opinione, etiã sic appositissimè ac-  
cipi posse, ut idem significant, quod *non in solidum*: Ac si Ictus  
dixisset, in solidum fidejussorem non obligari: Ejusq; mens  
hæc sit, quod illi, qui pro alijs obligentur, si in duriorẽ cau-  
sam fuerint accepti *omniñò non, id est in solidum non obligentur*;



edum vitio careat, & cum reliquis locis conveniat, per textu etiam, quib. verba isthæc. *omnino non*, idem quod non in solidū sive in totum significant, ut in l. cum filiof. 11. in fin. ff. de leg. 1. 1. si mihi purē. 59. ff. de leg. 1. 1. 3 ff. qui satisfiat. cog. l. voluntate 10. verj. neq; omnino creditor pignus remisit. ff. qui b. mod. pign. vel hypoth. solu. confirmetur, in dubijs arripienda est. Quod forsan & Haloandram movit, ut legat, *non omnino*. Quem probat, & sequitur *Mysing. in Inst. hic*. Nihilo magis deniq; dissentientium opinio stabit, etiamsi ponamus verba. *omnino nō*, sic accipi non posse: Negamus enim hīc etiam fidejussorem in duriores causam adhibicum, cum pro cōcurrente summa eum fidejussisse dicamus. Si autem vellemus fidejussionem etiam respectu majoris summæ valere, nobis Vlpianum contrarium haberemus, qui negat fidejussorem in duriores causam & majorem summam obligari posse, ac subdit, in minorem summam rectē fidejussorem accipi. Hancq; nostram sententiam ut æquiores approbant *Magnif. & nobiliss. Dn. Praeses. exerc. Inst. 13. §. 5. Vultej. ad §. 5. b. 1. n. 10. Scharb. ad l. 22. C. b. 1. n. 4. & 5. Andre. Gerbard. dec. ad 4. Exerc. th. 2. Treutl. vol. 2. diff. 28. th. 8 lit. B ubi Bachov. & Hunn.*

### XIII.

*An fidejussor, si se tanquam principalem constituerit, wenn Er sich gesetzt vnd verschrieben hat zu ein Haupt vnd Selbstschuldener, beneficio ordinis uti possit? haud ineleganter quæri solet.*

Negativam veriores esse existimamus: quoties enim personæ conditio locum facit beneficio, ubi deficiente ea beneficium quoq; deficit, l. 68. de R. 7. Jam hīc fidejussor obligavit se tanquam *principalem debitorem*, atq; Selbstschuldener, pro alieno debito, vel creditor ejus solius, non autem personæ veteris fidem de pecuniā habere voluerit, *Gail. 2. observ. 28. n. 3. & fin.* Merito igitur principaliter obligatur, ita ut amplius beneficio excussionis non gaudeat: etenim si gauderet, hæc verba, *constituo me principalem*, ich mach mich selbst schuldig; ceriē nullius essent momenti, cum tamen verba semper cum effectu debeant accipi, l. 1. §. 1. y. hæc autem. ff. quod quinq. Jur. in alt. l. 5. §. 2.

ne quis cum quibus in iura voc. Et in contrariis nullum verbum debeat esse sine virtute operandi, nedum clausula, l. si quando. 109. ff. de leg. 1. l. si stipulatus. 4. ff. de Vfur. Ideoq; obligatio hæc, quæ in vicem principalis est assumpta recte cum effectu est audienda, & ex hac novationis præsumptio colligitur, quæ ipsum beneficium hoc indignum reddit. Sicq; hoc speciale pactum facit, ut creditori liceat tam fideiussorem quam principalem convenire, ceteris elegantissimus in Nou. 136. c. 1. Recessit Ergo ab hoc beneficio, quod in ipsius favorem erat introductum, suaq; sponte sibi hanc obligationem contraxit, l. 36. §. 1. in fin. de Judic. & sua culpa hoc beneficium excussionis amisit, cum tali verborum generalitate usus sit, arg. l. fin. C. de dos. promiss. proinde de iniquitate vel injuria conqueri nequit: quia volenti non fit injuria, l. 1. §. 15. de injur. l. 1. §. fin. ff. quod fals. tutor. auctor. gest. l. 9. §. 1. ff. de acqu. & acqu. plur. arc. c. scientis. de R. 7. in 6. Hancq; opinionem æquiozem esse & communiter in foro observari attestatur, Gail. 2. observ. 28. n. 6. Magn. & nobiliss. Dn. Preses ex. etc. Inst. 13. §. 17. Et ita etiam in scabinatu Jenensi pronunciatum esse scribit, Coler. de process. exc. part. 1. c. 10. n. 307.

#### XIV.

An perfecta emptione periculum & commodum rei vendite ante traditionem pertineat ad emptorem?

Ita statuitur in l. 7. cum seq. l. 11. ff. de peric. & commod. rei vend. §. 2. Inst. de contr. empt. l. 31. de action. empt. l. fin. de condic. caus. dat. l. 5. §. 2. de rescind. vend. l. 21. de hered. & act. vend. l. 4. l. fin. C. de peric. & commod. rei vend. l. fistulas. 78. §. ult. de contr. empt. a contrario sensu. Et quidem ob rationes non leves: 1. enim venditor hic debitor speciei est, quæ rei interitu li-

buerit, arg. l. 15. ff. de R. J. l. 143. ff. de V. S. Ergo sibi imputeet, quod suum à venditore non avocaverit, *sapè cum honore allegatus Magnif. & nobiliss. Dn. Praeser, Exerc. Inst. 12. d. 3. III.* Consensu in pretium facto res assimata est; Vera autem, assimilatio periculum transfert in eum, cui assimilatur, ut hinc emptori, arg. l. plerumq; 10. l. quod sper tam 15. ff. de Jure dot. l. assimilata 51. sol. matrim. l. cum dotem. 10. C. de Jure dot. & satis elegans textus in l. un. §. 9. in fin. C. de Rei Vxor. all. IV. Is, qui sentit commodum, debet etiam sentire in commodum, juxta tit. Inst. de legit. patron. tut. & l. 10. ff. de R. J. Sed commodum rei venditæ etiam ante traditionem spectat ad emptorem, l. 7. §. 3. ff. de peric. & commod. rei vend. l. 1. l. 5. C. eod. Ergo. Et hæc ita procedunt, si per emptorem stetit, quominus res sit tradita. Cæterum si res vendita peric. ante traditionem culpâ, morâ vel calliditate venditoris, tunc ad ipsum pertinet rei periculum, secundum l. quidd. sine q; 14. ff. de peric. & commod. rei vend. D. l. cum speciem §. C. eod. l. lectos 12. cum duab. seqq. ff. eod. l. 39. ff. de solut. l. 14. & 27. ff. de furt. ut distinguit Mysing. Cent. 6. observ. 6. & Wesenb. in par. n. 7. & 8. ff. de peric. & commod. rei vend. Quandiu autem non stat p. venditorē, per ipsum emptorem, ut dictum, intelligitur stare, qui rem sibi tradi non postulat, cum ad aliud venditor non teneatur, arg. l. 18. in pr. ff. de const. pec. Hæg. hic n. 2. & seq. Anton. Matib. hic ad §. cum autem.

XV.

*Num liceat contrahentib. in pretio emtionis naturæ  
q̃rer. se circumvenire.*

Primo intuitu iustitiæ commutatione nihil videtur magis contrarium. quam propositam quæstionem affirmare vel-  
le; quippe quod in sacris literis dicatur 1. Thessal. 4. Ne quis  
opprimat aut fraudet in negotio fratrem suum, propterea  
quod ultor est dominus de his omnibus & 1. Cor. 6. inusti ve-  
luti qui damno afficiunt fratres, regn. Dei hæreditatem non  
consequentur. Nihilominus tamen, si hæc omnia cum gra-  
no jalis accipiantur, non videmus quâ ratione affirmativam  
in ista causa, 16. §. Rem Pomponius. ff. de minor. 23. l. item ff. 22. S.

fin.

*fin. ff. locat. satis dilucidè & firmiter stabilitam reprobare de-*  
*cimus. Siquidem dicta ex scriptura Sacra pro negante*  
*parte allegata de fraude & deceptione malevola, quæ non mi-*  
*nus in jure nostro æquâ detestatione, & sub pœna merita*  
*transgressoribus destinata, prohibetur, l. 3. §. fin. ff. profor. sunt*  
*intelligenda. Nos verò deceptionem, eam tantum hîc po-*  
*nimus, quæ citra fraudulentum consilium, re ipsa & incuria con-*  
*trahentium contingit, Magn. & nobil. ff. Dn. Praeses exerc. 14 §. 3.*  
*Vnde eam Gothofred. ad d. l. in causa cog. 16. prudentiam & in-*  
*dustriam quandam tantum œconomicam, studiumq; ali-*  
*quod tantum rei familiaris augendæ appellat. Quæ, ut*  
*licita sit, natura contractus, ut docent Hispani, vel ut Galli re-*  
*ctius, Jus Gent. efflagitat. Hæc enim intentio & scopus e-*  
*mentium & vendentium, quod illi quidem minoris emere:*  
*hi verò pluri vendere velint: Et ad hunc modum emptio-*  
*nis & venditionis substantia esse dicitur, ut emptor viliorè*  
*compārandi, venditor cariorè distrahendi votum gerat. l.*  
*8. C. de rescind. vend. Cui circumventioni tamen, ne nimi-*  
*um iniqua evadat, meta præscripta est ab Imperatorib. Dio-*  
*clec. & Maximin. in l. 2. C. de rescind. vend. per hoc statutum;*  
*ut si venditor in precio ultra dimidium Justî pretij (hoc in*  
*majoribus obtinet: Minor enim deceptus infra dimidium*  
*Justi precij restituitur, Gothofr. ad d. l. 8. C. de rescind. vend.*  
*lit. R) circumscriptus fuerit, tûm in venditoris arbitrio sit,*  
*vel rem venditione rescissâ, vel id, quod justo deest precio,*  
*recipere. De qua lege utpote singulâri & accuratiori tra-*  
*ctatione propter diffusam ejus utilitatem optimè dignâ; in-*  
*stituti nostri ratio, studiumq; brevitatis, latius hîc discurrere*  
*non sinit. Alij querendi.*

Magistratu irrequisito, vindicare. Jus enim publicum idcirco iudiciorum vigorem, ejusque tutelam in medio posuit: ne quilibet privatus sibi ipsi valeat permittere ultionem, *l. nullus. 13. C. de iudic.* Et singulis concedendum non est, quod per Magistratum publicè fieri potest, ut occasio sit majoris tumultus faciendi, *l. 13. §. sed si inter duos. 3. de usufr. l. non est singulu. 176. de R. J.* Quibus accedit, *l. exat. 13. ff. quod metus causa. & l. si quis in tantam. 7. C. unde vi.* Nec obstant *l. 3. C. de locato. l. 2. C. de jure emphyteut. & l. 54. §. in er locatorem. ff. de locat. & conduct.* quæ à contrarium sentientib. ut plurimum pro se allegari solent: quia in his ll. verba expellendi & repellendi non significant corporalem expulsionem, quæ propria & privata auctoritate fiat, sed legitimam, quæ per remedia juris actionesque competentes, auctoritate judicis. *vide Magnif. & nobiliss. Dn. Præsid. exerc. Inst. 14. l. 15. Huno. lib. 3. V. R. J. Crr. 7. part. 2. quest. 3.*

## XVII.

*Utrum conductor de casu fortuito teneatur, si in se suscepit periculum? valde controversum est.*

Quemadmodum in nullo b. f. contractu fortuiti casus præstantur, *l. 6. C. de pignor. act.* Ita nec in locat. conducti-  
one, nisi culpa debitoris & conductoris is casus venerit, *§. item is. 2. Inst. quib. mod. re contr. obl. aut debitor in mora fuerit, l. si ex legati. 23. ff. de V. O.* Aut debitor pacto casum fortuitum in se receperit, *d. l. 6. C. de pignor. act. junctâ l. ea-  
quidem 1. C. de commod. l. 23. ff. de R. J.* Pacta enim de his præ-  
standis, si non sint contra leges servanda sunt, *l. si quis de-  
mum. 9. §. Julianus 2. ff. locat. d. l. contractus. 23. ff. de R. J.* Jam  
hic conductor in se suscepit casum fortuitum, per promissam præstationem periculi. Siquidem periculum ut genus sub se comprehendit omnem casum, qui eum, vel absque culpa contingit, *arg. l. 1. l. si in venditione & l. quod si neg. 12. de peric. & commod. rei vend. hinc tria juris regula: generalis provisio tantum operatur, quoad omnes casus, quantum, specialis, siue enumeratio specierum, quoad quædam, arg. l. amnes. 4. C. de prescript. 30.* Ergo & casum fortuitum præ-



præstare debet.  
quaß. 4.

Hunn. lib. 3. P. R. J. C. tr. 7. part. 2.

XVIII.

*An ex locatione conductione præstetur culpa leuissima? Affirm.*

Per textum expressum in l. 25. §. qui columnam. 7. ff. de locat. cond. Vbi à conductore tum demum culpa abesse dicitur, cum omnia fecerit, quæ pater. f. *diligentissimus* in superlativo, non diligens in positivo, ut Bocer. & alij opinantur, allegantes l. heredes. 27. §. non tantum. 16. ff. fam. ercisc. l. si ut certo. 5. §. custodiam. 5. ff. commod. l. in rem mandatâ. 21. C. mandat. quibus in locis vice versa positum pro superlativo positum; observaturus esset. A quo autem exactissima diligentia requiritur; Is sane de leuissima culpa tenetur. Hanc nostram sententiam solidiorem reddit, eodem vocab. *diligentissimi* utendo §. conductor. 4. §. Inst. locat. Sunt equidem nonnulli, qui vers. hunc pro assertionem opinionis nostræ nihil agere ajunt; propterea, quod inibi exceptio præcedentis regulæ contineatur. Sed hoc negamus. Verba enim *Abeo* hîc non exceptionem, ut contra sentientes volunt; sed declarationem prioris regulæ important. Res clarior ut evadat. In pr. istius §. traditur regula, quod omne id servandum sit, quod in locationis contractu dictum fuerit, quodq; omissum, ex æquo & bono suppleri debeat. Hic vers. autem ostendit pro declaranda reg. quid ex natura contractus circa culpam observandum veniat. Si deniq; conductor soli præstationi casuum fortuitorum regulariter est exemptus, reliqua omnia præstare debet, & sic per consequens culpam etiam leuissimam. Atqui prius est in l. in judicio. 22. C. locat. Ergo.

*societ. l. cum duob. §. 2. ibi: si in eorunda. ff. pro soc.* Ita ob hoc ipsum etiam, quod de lucro cavetur, ut id commune sit, de pecunia aliud cautum intelligitur, ne sit communis, *arg. l. si cum dotem. 22. in pr. ff. sol. matrim. l. commodissime. 10. ff. de lib. & postb.* deinde etiam societas continet Jus fraternitatis & æqualitatis, *l. 63. in pr. ff. b. r.* At si pecunia illa dividenda esset; magna oriretur inter socios in æqualitas. Nam conferens pecuniam duplici incommodo afficeretur, si nihil lucri finitâ societate, sed tantum pecunia adesset. Tùm quia dimidiam partem pecuniæ amitteret; tùm quia eandem habuisset ociosam, nec quicquam fructuum inde percepisset; quod tamen potuisset, si eam collocasset in emptionem prædiorum, aut aliam quandam negotiationem. Pecuniam igitur istam finitâ societate solus præcipuam habet, qui contulit, *ut docet Donell. Sicbard ad l. 1. C. pro. soc.* Sicut & damnum, si fortassis pecunia perierit, *l. 29. §. 1. pro soc. arg. l. secundum naturam. 10. ff. de R. J.* Res enim suo domino perit, *l. pignus. 9. C. de pignor. act.*

## XX.

*Mandavit quis vulnerare; expressè tamen prohibuit occidere: mandatarius autè occidit, queritur, An mandans ordinariâ homicidij pœnâ teneatur?*

Quod mandans delictum, eadem pœnâ, quâ mandatarius delicti autor, sit afficiendus constat, *ex l. 7. §. fin. ff. de jurisdict. l. 1. §. 1. ff. de oper. quem fact. l. 15. ff. ad L. Corn. de sicar. & ibi Gorbosfr. l. 1. f. ubi mandator cædis pro homicida habetur;* quod non posset dici, si non eadem, quâ homicida, sed diversâ afficeretur pœnâ. Satis hoc etiam elucescit *ex l. 3. §. 4. ff. ad L. Corn. de sic.* ubi expressè sanctum extat, illum ordinariâ homicidij pœna *ex l. Corn. de sic.* pleâi debere, quo sciente familia saltem ejus arma sumserit, quoq; autore seditio fuerit orta. *Sed si mandans expressè dixit mandatario, ne occidat, sed tantum percutiat,* aliud dicendum. Vbi enim animus occidendi abfuit, ibi locum non habet pœna legis *Corn. de sicar. l. 1. §. Divus. 3. ff. ad L. Corn. de sic.* Mandans autem tantum vulnerare non habuit animum occidendi: dum enim commissionem prohibuit, mandasse intelligitur vulnus infligi levè, non lethale,



male, non in capite, sed in alia quadam corporis parte mortis  
periculo minus obnoxia, ubi gladio ad occidendum ap-  
pro- verum alio instrumento minus nociva. Deinde ut p<sup>er</sup>ona le-  
gis Corn. de sic. locum habeat, requiritur dolus, *l. in l. Corn. ff.*  
*ad l. Corn. de sic. & ibi Gorbosr.* At mandans in nostro casu sal-  
tem est in culpa *Magn. & nobiliss. Dn. Praef. exerc. 15. b. 9.* Pro  
tertio non semper, qui mortis causam praebeat ultimo suppli-  
cio esse afficiendus, *l. 3. §. 3. vers. si de 8 Crō. ff. ad l. Corn. de sic.*  
Deinde, non eventus, sed principium perpetrandi delicti in-  
trospiciendum est, *l. 53. ff. de furt. l. 1. §. 1. l. 3. §. 1. ad l. Corn. de*  
*sicr.* At initium ex animo aestimamus, qui in casu nostro fuit  
talis, non ut interficeretur homo, sed percuteretur. *Magn. &*  
*nobiliss. Dn. Praef. d. exerc. 15. b. 9. Hunn. lib. 3. V. R. 7. C. tr. 7. part.*  
*4. quass. 5.*

## COROLLARIA POLITICA.

**A**N Doctōribus Bullatis competant pri-  
vilegia eorum, qui in Academijs rite promo-  
ti sunt? Affirm.

2. Potestne Imperator Auream Bullam, si velit ab-  
rogare? Neg.

3. An Legatus in principem ad quem missus est,  
conjurans, puniri possit? Affirm.

4. An Confraternitates seu cōfoederationes prin-  
cipum & illustrium familiarum licite & concessae sint?

cujus viventis, consensus illius, de cuius hereditate agitur, accedit, & ad finem usq; in eodem perseveret. Rectè, si perseveret: sic enim omne votū captandæ mortis cessabit: Secus, si pœnitentiâ ductus cōsensum revocaverit: tunc & ipsum pactum corrumpere, & pro nullo haberi, dicendum.

5. Vtrum pugna interesse ipsum Principē oporteat?

6. An Syderibus Rerump, conversiones adscribendæ?

---

*Præstantissimo & literatissimo Dn Respondenti, Fa-*  
*tori, amico & socii suo dilectissimo.*

**R**em miram sentas! nusquam non jungere pacem.  
Tentant Magnates sociam vigilante labore,  
Hinc procul è Patriâ pulsus civilibus armis;  
(O utinam nunquam redire videri darentur!  
Sed potius sincera fides Germanica cunctis!)  
Tutamen è contrarejectâ pace, capessu  
Bellum, gestu & à diro hoste referre triumphum:  
Scilicet in tali bello, victoria quo non  
Quæritur humano permulto sanguine, docto  
Sed magis discursu, dubijs ratione fugatis:  
Quo sustentatur Res Publica privata, sana.  
Quæ propter licitum moliri, laudèq; dignum  
Bellum, è quò magnâ mox utilitate Tuorum  
(Quod mihi promissit virtus tua) victor abibis.

honoris & amoris ergo  
faciebat

ANTONIUS Blot / Francofor-  
tanus ad Moenum.

SOLI DEO sit Laus, Honor & GLORIA.

